

2025-mi aalisakkat avammut tunisat Kalaallit Nunaanneersut

Aallaqqaasiut

Matumani saqqummersitap siunertaraa nunanik allanik niueqateqarnermi kisitsisitigut paasissutissat naliginnaasut nioqqutissanik Kalaallit Nunaanneersunik Danmarkimiilli avammut tunineqartartunik paasissutissat ilaneqarnissaat.

Imarisaa

Danmarkimit avammut tunisanut Kalaallit Nunaanneersunut nalunaarsuutit Danmarks Statistik-imit nalunaarsuutininik assigiinngitsunik tunngaveqarput, Naatsorsueqqissaartarfimmit annerusumik nakkutigineqarsinnaasimangitsut. Nioqqutissallu pineqartut tassaapput SITC-i malillugu immikkoortiterinermi nioqqutissanut ilisarnaammik ”03”-mik ilisarnaaserneqarsimasut (Aalisakkat, qaleruallit, uumasut qituttut imaanilu uumasut qimerloqanngitsut allat), tassaallutillu aalisakkanik nioqqutissat suliareriigaanngitsut.

Malunnaarsaarneq

Nalunaarsuutit Danmarks Statistik-imeersut suliarineqarput Danmarks Statistik-illu malunnaarsaarnermut malittarisassaa malillugu suliaallutik. Tabelimi kisitsisit tulleriinnerini kisitsimmik allaqqasoqarpat kisitsisit minnerpaamik avammut tunisisunik pingasunik tunngaveqarnerannik tamanna isumaqarpoq, taamaasilluni paasissutissat avammut tunisisumut ataatsimut imaluunniit avammut tunisisunut marlunnut atassuserneqarsinnaajunnaarlugit.

Tabel 1. Aalisakkanik nioqqutissat suliareriigaanngitsut Kalaallit Nunaanneersut Danmarkimit avammut tunisat, mio. kr.

	2021	2022	2023	2024	2025
	Mio. kr.				
Katillugit	2.862,8	4.528,1	4.500,6	3.517,6	3.464,5
Raajat	1.074,1	1.568,1	1.978,5	1.325,6	999,5
Saarullik	0,0	16,4	261,0	613,9	744,5
Qaleralik	267,8	1.263,5	1.576,7	1.114,1	1.238,7
Saattuat	0,0	0,0	0,0	42,1	45,2
Diskretioneret	1.520,9	1.680,2	684,4	421,9	436,6
	1.000 Tonsinngorlugit				
Katillugit	98,2	118,1	114,2	89,3	74,4
Raajat	35,9	39,6	49,4	38,4	27,9
Saarullik	0,0	0,3	8,0	17,0	14,7
Qaleralik	6,7	29,2	35,2	22,9	20,3
Saattuat	0,0	0,0	0,0	0,6	0,3
Diskretioneret	55,6	48,9	21,6	10,4	11,2

Tabel 2. Aalisakkanik nioqqutissat suliareriigaanngitsut Kalaallit Nunaanneersut Danmarkimit avammut tunisat, nunat malillugit

	2021	2022	2023	2024	2025
	Mio. kr.				
Katillugit	2.862,8	4.528,1	4.500,6	3.517,6	3.464,5
EU-mi nunat	0,0	473,3	451,4	1.103,6	1.167,5
Kina	1.419,3	2.514,5	2.606,2	1.671,9	1.747,0
Norge	143,2	164,3	196,9	197,4	126,3
Rusland	607,8	110,7	0,0	0,0	0,0
Tuluit Nunaat	36,0	0,0	0,0	26,7	0,0
USA	0,0	0,0	0,0	38,8	54,5
Nunat allat	334,4	501,1	234,1	293,0	3,0
	1.000 Tonsinngorlugit				
Katillugit	98,2	118,1	114,2	89,3	74,4
EU-mi nunat	0,0	13,3	11,5	16,3	25,8
Kina	43,6	60,6	62,1	41,9	36,1
Norge	3,8	4,3	5,1	4,8	2,8
Rusland	31,3	6,9	0,0	0,0	0,0
Tuluit Nunaat	0,8	0,0	0,0	0,5	0,0
USA	0,0	0,0	0,0	0,6	0,6
Nunat allat	10,2	12,3	5,7	7,8	0,1

Najoqquataq: <https://bank.stat.gl/IENDKLAND>

Ilanngussaq

Matumani tabelini takutinneqarput Kalaallit Nunaannit Danmarkimut tunisat Danmarkimi avataanit eqqussukkani avammullu tunisani qanoq annertutiginersut.

Tabeli ilanngussaq 1. Aalisakkanik nioqqutissat suliareriiigaanngitsut Danmarkimut avataanit eqqussukkat

	2021	2022	2023	2024	2025
	Mio. kr.				
Katillugit	16.690,1	20.693,4	20.813,7	19.645,6	17.543,8
Kalaallit Nunaat	3.504,8	4.096,1	4.469,0	3.919,2	4.007,7
EU-mi nunat	2.820,6	3.729,6	3.851,2	3.711,9	3.368,0
Kina	55,8	92,3	150,9	90,6	90,0
Norge	6.467,8	8.057,5	7.966,9	7.916,0	6.286,2
Rusland	156,0	274,5	186,9	192,9	163,4
Tuluit Nunaat	247,0	259,0	288,8	379,6	384,7
USA	252,8	391,5	464,0	314,7	404,6
Nunat allat	3.185,1	3.793,0	3.436,0	3.120,6	2.839,2
	1.000 Tonsinngorlugit				
Katillugit	660,4	577,7	634,8	634,4	535,4
Kalaallit Nunaat	140,8	127,3	142,6	137,2	144,8
EU-mi nunat	118,8	138,6	107,5	112,2	84,1
Kina	1,8	2,1	3,4	2,4	2,2
Norge	228,1	190,7	197,6	189,3	166,5
Rusland	6,4	6,7	5,3	5,4	3,6
Tuluit Nunaat	30,5	27,6	45,5	61,0	38,5
USA	8,2	7,5	10,8	8,6	11,2
Nunat allat	125,6	75,7	92,5	106,0	83,1

Najoqqutaq: Statistikbanken.dk/KN8Y

Tabeli ilanngussaq 2. Aalisakkanik nioqqutissat suliareriigaanngitsut Kalaallit Nunaannit avammut tunisat

	2021	2022	2023	2024	2025
	Mio. kr.				
Katillugit	4.778,1	5.823,9	5.851,9	5.049,8	5.982,4
Danmark	4.167,2	5.005,9	5.004,0	4.491,8	5.044,5
Savalimmiut	0,0	39,2	44,5	53,5	178,1
Island	85,4	325,9	245,7	204,5	677,5
Norge	15,0	61,1	25,8	31,7	0,0
Portugal	43,8	14,9	0,0	0,0	0,0
Nunat allat	466,7	377,1	531,9	268,1	82,2
	1.000 Tonsinngorlugit				
Katillugit	200,2	231,7	247,4	172,1	210,5
Danmark	140,5	133,3	132,1	126,2	175,0
Savalimmiut	0,0	0,6	1,0	1,6	11,6
Island	3,5	6,7	6,5	5,4	18,8
Norge	0,3	1,1	0,4	1,1	0,0
Portugal	2,3	0,7	0,0	0,0	0,0
Nunat allat	53,5	89,3	107,3	37,8	5,2

Najoqqutaq: Naatsorsueqqissaartarfimmit nunanik allanik niuqateqarnermi kisitsisitigut paasisutissat.

Periaaseq aamma najoqqutat

Danmarkimit EU-mi nunanut EU-llu avataanut nunanut tunisat

Nunat EU-mi ilaasortat maleruaqqusat assigiinngitsut malillugit nalunaarsuutininik tunniussisarput, avammut tunisinermi EU-mi nunanut tunisisoqarnerani nalunaarusiorneq (intrastat-imik taasaq, avammut tunisisut DST-imut toqqaannartumik nalunaarusioriaasiat) imaluunniit avammut tunisinermi EU-p avataani nunanut tunisisoqarnerani nalunaarusiorneq (extrastat-imik taasaq, akiitsuuserisut tunisisut paasisutissaannik DST-imut ingerlateqqiillutik nalunaarusioriaasiat). 2022 aallarnerfigalungu Danmarkimi tunisisartut Intrastat-imi avammut tunisat nalunaarusiorneranni nioqqutissat suminngaanneerfiannik nalunaaruteqartarneq piunasaqaataalerpoq. EU-lli avataannut avammut tunisinermi nioqqutissat suminngaanneerfiannik nalunaaruteqartarneq kajumissutsimik pisarpoq. Taamaattumik EU –p avataanut avammut tunisat tamakkiisuumik takussutissaat nalorninaateqarput.

Ingerlateqqitassanik niuerneq

2022-mittaaq aamma nioqqutissat ingerlateqqitassat ilanngunneqarput. Tassaallutik nioqqutissat Kalaallit Nunaanniit Danmarkimut apuunneqartut nunanut allamut ingerlaannartumik ingerlaqqittussat.

Nioqqutissap nalinga

Nioqqutissap nalinga Danmarkimi sumiiffimmi annissiviusumi naatsorsorneqartarpoq, tunisisumiit sumiiffimmi annissiviusumut killeqarfimmi imaluunniit umiarsualivimmut nioqqutissamik assartuinermi aningaasartuutit ilanngullugit. Akerlianilli Danmarkimi umiarsualivimmiit tiguisussamut tullermut assartuinermi aningaasartuutit ilaanngillat. Nioqqutissaq piffissami nassiuunneqarfissaani tunineqarsimanngippat nioqqutissamut nioqquteqarfimmi akigititaaq atorineqartarpoq.

Nuna suminngaanneerfik

Nuna suminngaanneerfik tassaavoq nuna nioqqutissap suliarineqarfia, imaluunniit tamanna nunani marlunni arlalinniluunniit pisimappatillugu nuna suliarineqarfia kingulleq. Nioqqutissap suliarineqareernerata kingorna nunamut allamut ingerlateqqinneqarsinnaasimangippat poortueqqinneq, immikkoortiterineq akoorinerluunniit nioqqutissamik suliaqarnertut naatsorsorneqanngilaq.

Kalaallit Nunaanneersunik 03-mik ilisarnaatilinnik Kalaallit Nunaannit avammut tunisineq Danmarkimit avammut tunisinermut naleqqiullugu Naatsorsueqqissaartarfimmi nunanik allanik niueqateqarnermi kisitsisitigut paasissutissani nioqqutissat 01-mik ilisarnaatillit Kalaallit Nunaannit tunineqartut imaluunniit Kalaallit Nunaannit aalisariutinit nunani allani umiarsualivinni tulaanneqartut tamarmik ilaapput. Nioqqutissat Kalaallit Nunaannit aallarunneqarnerini nalingat tunngavigineqartarpoq, assartuinermut sillimmasiinernullu aningaasartuutit kiisalu aningaasartuutit allat ilanngunnagit.

Tabeli 1-imi aamma 2-mi nioqqutissat 03-mik ilisarnaatillit Kalaallit Nunaanneersut, Danmarkimi tunisisartunit Kalaallit

Nunaanninngaanneersutut nalunaarutigineqarsimasut, pineqarput.

Tassaallutik nioqqutissat 03-mik ilisarnaatillit Danmarkimi

suliarineqarsimangitsut taamaattumillu Kalaallit Nunaanneersutut suli nalunaarsorsimasut. Nunattaaq allat 03-mik ilisarnaasikkanik Danmarki aqqutigalungu avammut tunisisarput, aalisariutit nunanit allanneersut 03-mik ilisarnaasikkanik avammut tunisassanik imaluunniit suliareqqitassanik Danmarkimut tulaassuisarmata.

Kalaallit Nunaannit nioqqutissat 03-mik ilisarnaasikkat Danmarkimiittut

Nioqqutissat 03-mik ilisarnaatillit Kalaallit Nunaanneersut Danmarkimi quersuarnut ilineqarajuttarput, amerlanerillu allanngortinnagit avammut tunineqartarlutik imaluunniit annikitsukkuutaarlugit poortorneqaqqittarlutik. Ila suliffissuarnukaanneqartarput suliareqqitassanngorlugit imaluunniit Danmarkimi pisiniarfinni tunisassanngorlugit. Nioqqutissat suliarineqartut allatut ilisarnaateqalersinnaapput nunalu suminngaanneerfiat allanngorsinnaalluni, taamaasilluni nioqqutissap suliaralugu piariikkap Kalaallit Nunaanneersuunera allanngussaaq Danmarkiminngaanneersunngorluni.

Kalaallit Nunaanneersut 03-mik ilisarnaatillit suliarineqarnerminni amigaateqarneq kasiilerinerlu peqqutaallutik oqimaassusaat allanngortarput, tamannali aamma pisarpoq nioqqutissaq piariigaq akuutissanik nutaanik akuneqartillugu.

Nioqqutissattaq nalinga Kalaallit Nunaannit aallarunneqarnermini nalinganut naleqqiullugu aamma allanngortarpoq. Danmarkimut ingerlanerani aningaasartuutitut tapiliussanik, assartuinermi kiisalu sillimmasiinermi aningaasartuutit peqquteqartumik nioqqutissap nalinga qaffanneqartarpoq, aammattaaq quersuarmik atuinermut, allaffissornikkut ingerlatsinermut sulinermilu akissarsianut aningaasartuutit peqqutaataasarput.

Kukkunernut peqqutaasinnaasut

Avammut tunisinermi kisitsisitigut paasissutissani nalinginaasuni kukkunerusinnaasut saniatigut kisitsisitigut paasissutissani matumani saqqummiunneqartuni assigiinngitsunik immikkut kukkusoeqarsinnaavoq.

Assersuutigalugu matumani saqqummersuni taaneqarsinnaapput:

Nuna suminngaanneerfik pillugu avammut tunisisunit kukkusumik paasissutissiineq. Akitsuuserisunik suminngaanneerfik pillugu paasissutissat nakkutigineqartannginnerisa ilimanaataat.

EU-p avataanut tunisinermi nunamut suminngaanneerfimmu paasissutissiisoqarnissaata inatsisitigut pisussaaffiunnginnera.

Aalisariutinit Kalaallit Nunaanneersunit nioqqutissat Norgemi imaluunniit Islandimi tulaassat Danmarkimullu ingerlateqqitat Kalaallit Nunaanninngaanneersutut nalunaarutigineqanngeratarsinnaanerit.

Nioqqutissat Canadameersut Kalaallit Nunaanneersutut naatsorsorneqarsinnaanerit. Assersuutigalungu aalisariutit Canadami aalisarsinnaanermut akuersissutillit Kalaallit Nunaannut tulaassinerisa kingunerisaanik.

Kalaallit Nunaata imartaani aalisariutinit Kalaallit Nunaanneersuunngitsunit pisat Kalaallit Nunaanninngaanneersutut nalunaarsorneqarsinnaanerit.

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Eventuel henvendelse
Aqqaluaq Frederiksen Lund
AQLU@stat.gl

Nunanut allanut niuermeq

Grønlands Statistik
Postboks 1025 · 3900 Nuuk
Tlf.: +299 34 57 70
www.stat.gl · e-mail: stat@stat.gl

